



UNIVERSITÄTS-
BIBLIOTHEK
PADERBORN

Universitätsbibliothek Paderborn

Theologia Moralis

Antehac Ex Probatis Auctoribus breviter concinnata

Busenbaum, Hermann

Coloniae Agrippinae, 1713

Q. 39. Quid addendum sit circa exsecrationem altarium.

urn:nbn:de:hbz:466:1-42624

viam: Pastor aliquot annis post, cum potestate ab Episcopo accepta benedicit illud sacellum in scio Titio: *Queritur*, an Titio jam contradicente possit sacellum destrui & fundus per Episcopum redire ad usus profanos. R. Videtur non posse, imprimis quia hoc nullibi conceditur Episcopo. Deinde quia sacellum est sacrum & censetur acquisitum Ecclesiae, res autem acquisita Ecclesiae non potest, praesertim sine utilitate Ecclesiae, alienari per Episcopum; si autem remitteretur ad usus profanos, re ipsa virtualiter alienaretur. Si dicas, saltem fundum mansisse Titii: *Contra* est, nam si Ecclesia inaedificetur fundo profano, Ecclesia non cedit fundo, sed fundus Ecclesiae, quem ad se trahit & reddit sacrum, *Sperell. decis. 57. n. 20.*

300. Q. 39. *Quid addendum sit circa exsecrationem Altarium.* R. §. 1. Si fractura Altaris non sit enormis, non amittitur consecratio, sive Altare sit fixum, sive portatile: Tum autem censetur enormis, si ita destructa sit forma artificialis, ut non censeatur esse idem, quod antè, hoc autem tum est, si tertia saltem pars sit destructa, item si sit ea mutatio, ut qui antè vidisset, jam non recognosceret pro eodem: non ideo tamen amittit consecrationem, quod fractum sit in quatuor cornibus, *Laym. Castrop. Lugo, Pasq. q. 689.*

301. §. 2. Si lapis consecratus frangatur in duas partes, quarum quaelibet apta sit sustentare hostiam & calicem, secundum communem sententiam apud *Heno* n. 1807. potest utraque pars postea servire pro duplici ara, totus enim lapis erat consecratus, & cum partes divisae non amittant usum ac finem, non est, cur illarum desinat consecratio: *E contra* si neutra partium

tium fractarum possit continere hostiam & calicem, uni tamen earum majori agglutinetur aliquid, cum quo jam continere possit, non ideo recipit consecrationem, tam parum, quam duæ partes cinguli fracti, uti dicitur num. 329. Notat tamen *Avers.* q. 11. f. 13. §. *Primò*, ad Altare sufficere, quòd calicem & patenam saltem pro maiore parte capere possit.

§. 3. Missionariis conceditur privilegium, 302. ut celebrare possint in portatili fracto aut læso, etiam carente Reliquiis, attamen requiritur, ut adhuc capere possit calicem & hostiam, *Verj.* t. 8. a. 7. n. 1. quod quamvis nunc ubique liceat, antehac tamen non licebat, ideoque appositum est inter missionum privilegia.

§. 4. Si Altare non sit fractum, sed tantum 303. fissum, dummodo partes nec ab invicem, nec ab inferiori structura separentur, non amittit consecrationem, quia illa fissura non tollit formam, nec facit aliud Altare, sed se habet sicut vulnus, quod relinquit idem numero corpus hominis, unde sicuti sanatur vulnus, ita potest illa scissura glutine aliquo sanari seu uniri. *Pasq.* q. 689. n. 10. *Nec obstat*, quòd Altare debeat constare uno lapide, nam hoc dato, de quo dicitur n. 314., gluten uniens partes facit remanere unum lapidem, nec ratio est, quare talis unitas artificialis non sufficiat.

§. 5. Si structura Altaris fixi tota integra cum 304. superiore & inferiore parte simul transferatur ad alium locum Ecclesiæ, non amittit consecrationem, *Suar. Avers.* §. *Deperditur*. Notat autem *Gobat* n. 275. tum tantum Altare fixum amittere consecrationem separatâ parte superiore ab inferiore, si simul consecrata sit pars superior & inferior.

305. §. 6. Portatile non polluitur pollutâ Ecclesiâ, neque si addatur vel removeatur capsula, cui includitur. *Suar. Avers. Pasq. q. 694.*
306. Q. 40. Si frangatur sigillum, vel removeatur sepulchrum cum Reliquiis, an Altare per hoc amittat consecrationem. R. §. 1. Affirmant absolute *Dur. Az. Angel. Henriq. Bonac. Barb. De potest. Episcopi. alleg. 27. n. 26.* alique Canonistæ, consentit *Gob. in Quin. t. 5. n. 540.* dicens esse certum: *Sporer in Theol. sacram. De sacrif. n. 376.* dicit videri certum: Rationem dant 1. ex his verbis *Cap. 1. De consecr. Eccles. Ad hæc si Altare motum fuerit, aut lapis ille solummodò suprà positus, qui sigillum continet, confractus aut etiam diminutus, debet denuo consecrari: quod Barbosa. Tann. De Euch. d. 5. q. 10. n. 47. Amic. De Euch. d. 33. n. 354.* dicunt tenere, si sigillum frangatur etiam in Altari portatili. 2. Quia sigillum videtur esse de essentia & forma Altaris, nam circa impositionem Reliquiarum & consecrationem sepulchri præcipuæ benedictiones, inunctiones & cæremoniæ in Pontificali præscribuntur. 3. Quia in multis Diocesibus usu receptum est, ut violato sepulchro non ampliùs in Altari illo, sed in alio portatili superposito celebretur. 4. Si absint Reliquiæ, non est verum, quod Sacerdos post introitum osculans Altare dicit, *Oramus te Domine per merita Sanctorum, quorum Reliquiæ hic sunt.* E contra Altare ideo perdere consecrationem negant absolute *Panormit. Lugo, Sot. Vasq. Con. G. Hurt. Dicast. Tamb. Burgh. cent. 2. cas. 43.* Idem senserunt *Buseus* alique Theologi Romani, ideoque *Gob. in Exp. t. 3. nu. 276.* se corrigit, & ea, quæ suprà dixerat in *Quin.*, scribit se retulisse ex *Pasq.*, de cætero se non damnaturum